

0 1 2 3 4 5 6 7 8 9 10 11 12 13 14 15 16 17 18 19 20

蜀曲

卷三之五

居寓類  
宦蹟類  
故事類

ル5  
3398  
2



門號卷  
ル5  
3398  
2

蜀典卷二

遂威介侯甫張 澄編輯

居寓類

慮皇軒帝早留芳蹤誰言周武始通巴庸尸佼紀水接輿  
栖峯山川奇絕仙人多逢補其缺畧以飽儉胥

華胥居華渚

路史伏羲母華胥居于華胥之渚羅莘注寶牘記伏羲所都國  
有華胥之淵蓋因華胥居之而名乃閬中渝水之地王子年以  
華胥爲九江神女誤桉伏羲氏母名諸英也列子華胥氏之國  
在弇州之西台州之北或謂華胥在華山之右胥相也爲華之

蜀典

卷二

居寓類

東亞 大學 國書館  
昭和29.5.4 文書  
藏

相其渚後曰雷澤

伏羲游蜀

路史注今峨眉有伏羲女媧洞

女媧游蜀

常璩華陽志蜀伏羲女媧之所常游

安登游常羊

春秋元命苞少典妃安登游於華陽有神童首感之于常羊羅  
泌云常羊華陽之常陽也

鉅靈治蜀

路史循蜚記鉅靈氏之在天下也掘大象持化權乘太極而蹠

灝淑立乎無間行乎無窮揣丸變化而與物相獎鑠出于汾睢  
揮五丁之士驅陰陽反山川正流並生神化大凝惟無恆處或  
曰治蜀蓋以其迹蹕焉羅莘注傳載鉅靈之迹多在蜀豈別一  
鉅靈耶薛綜以鉅靈爲河神蓋本水經所引按遁甲開山圖云  
鉅靈與元氣俱生爲九元真母治蹟在蜀是鉅靈在蜀有明徵  
矣

帝皓

李膺益州記青城山天皇愛帝皓五符文於此山牧德之臺今  
在

祝庸居江水

山海經炎帝器生祝庸按祝庸爲黃帝司徒居於江水生術囂  
兌首方顛是襲土壤羅泌云祝庸之封地今朱提

子囂居江水

史記子囂降居江水水經注江水南過越雋邛都至朱提西瀘  
江水則子囂封處路史國名記若之下流泜水也今蜀州

青陽降居泜水

大戴禮帝繫篇黃帝產青陽及昌意青陽降居泜水昌意降居  
若水按大戴禮蓋以子囂爲青陽而史記沿其誤據國語子囂  
青陽實是二人泜水湔水也一云若水之下流史記作降居江  
水或謂卽陽安故城之古江國非也榮縣青陽門記云榮門有  
類苑今人以廬州之青陽爲少昊國誤矣

蓋盈氏居禹中

路史循蜚記若水之間禹中之地有蓋盈之邱蓋盈氏之墟也  
注若水之間地當川蜀在西南方此禹中之名所爲立海內經  
南海之外黑水青水之間有木名若木若水出焉有禹中之國  
有列襄之國按淮南子曰臻于衡陽是謂禹中是禹中不在若

水也蓋盈山海經作孟盈

有巢氏居陘

路史有巢氏居于陘注陘屬益部按陘之爲益州地佗書無徵惟水經注云祚夷也汝山曰夷南中曰昆彌羅泌所言陘或卽昆彌也否則卽彌牟鎮也

炎慶甲主鄖都山 文王爲鄖都西都公

真仙通鑑炎帝大庭氏諱慶甲天下鬼神之宗治鄖都山三十年而一替楊長史手錄云炎慶甲者古之炎帝也今爲北太帝君天下鬼神之主也按陶隱居真誥疑其爲神農又謂神農功高不應爲鬼帝當是黃帝所伐大庭氏今人謂鄖都爲陰府之

說祖此慶甲神農次子亦深明種植帝承知其賢用嗣爲帝慶甲居位四十年仍歸政於明帝明在位四十九年羅泌云炎帝慶甲帝柱之胄也真誥又言文王爲鄖都西都公領北帝師

昌章降居若水 頸頊生于若水

世本居篇若水允姓國昌意降居爲侯姓氏篇又云姬姬姓之國黃帝之子昌意降居若水爲諸侯此其後也呂氏春秋頸頊生自若水水經注黃帝長子昌意德劣不足紹承大位降居斯水爲諸侯娶蜀山氏女生頸頊于若水之野有聖德二十登帝位承少皞金官之政以水德寶歷矣按律麻志昌意卽蒼林氏也蜀國春秋曰乾荒娶蜀山女曰樞是爲阿女所謂淖子也生

顓頊是顓頊爲昌意之孫矣南郡之都允姓爲秦所入襄州樂縣非昌意所降之處也晉杜預亦沿其訛世本以昌意降居之樂水爲允姓誤矣若水羅長源謂卽濮水者亦誤水經若水出蜀郡旄牛徼外東南至故關爲若水注若水之生非一所也黑水之間厥木斯植故水受其稱焉九州要記雋之臺登有雙諾川嬰武山若水出其下卽黃帝子昌意降居於此

蜀山昌僕

按大戴記昌意娶昌僕產顓頊人表云昌僕昌意妃生顓頊史記昌作景帝王世紀亦作景僕帝繫作濮路史作嫫又作樸昌僕蜀山氏之女也卽女樸見帝王世紀又名淖子海內經云昌

意生韓流卽乾荒取淖子曰阿女生顓頊是昌僕又名淖子也或以顓頊之母爲女樸而非昌僕且以昌僕非女樸亦非淖子然淖子生顓頊伯盍言之景僕生顓頊司馬遷戴聖言之女樸生顓頊皇甫謐言之豈昌僕女樸淖子各生一顓頊乎可知其說之妄矣

後照始爲巴人

海內經西南有巴國今三巴是太皞生咸鳥咸鳥生成釐乘釐生後照後照是始爲巴人爲之有國曰流黃辛氏卽酆其域中方三百里其出是塵土言殷盛也有巴遂山澠水出焉按水經若水注云繩水出徼外引此經作繩水

孟涂涖巴訟

山海經夏后啟之臣曰孟涂是司神于巴注聽其獄訟爲之神主巴人請訟于孟涂之所注令斷之也其衣有血者乃執之注不直者則見于衣是請生注言好生也注言好桉竹書紀年帝啓八歲帝使孟涂爲巴涖訟路史孟涂敬職而能理神爰封于舟水經注引山經作血涂太平御覽引作孟余或作孟徐又作孟愈皆誤一云孟涂夏后啓之舅也

禹伐尼陳山梓

蜀紀夏禹欲造獨木船知梓潼縣尼陳山有梓徑一丈二寸令匠者伐之樹神爲童子不服禹責而伐之見太平御覽引

禹駐巫山

辛與錄禹駐巫山之下大風卒至崖谷振隕力不能制忽遇雲等夫人禹拜而求助夫人卽勅侍女授禹筭召鬼神之書因命其神狂章虞余黃麾大翳庚辰童律巨靈等助其斬石疏波渡塞導阨

鼈靈爲刺史

蜀記鼈靈於楚死屍乃汎流上至汶山下忽復更生乃見望帝立以爲相時巫山壅江蜀民多遭洪水靈乃鑿巫山開三峽口蜀民陸處後令鼈靈爲刺史号曰西州皇帝以功高禪位于靈号開明氏按三國志司馬宣王報夏侯太初書曰秦時無刺史但有郡守長吏漢家雖有刺史奉六條而已故刺史稱傳車其

吏言從事居無常治吏不稱臣其後轉更爲官司耳是刺史始於漢武帝杜宇當七國時何得便有刺史明記者妄也常璩闡駟輩所言皆是凌玉壘山非巫山然玉壘與三峽口遠矣而酈道元言巫峽爲杜宇所鑿以通江水亦誤豈以杜宇卽鼈靈乎

黃麾神

按黃麾廟記云李吉甫自忠州除潛時峽漲洶怒忽有神人涌出水上爲之扶舟李問何神曰黃麾神也又焦潞稽神異苑云唐咸通中蕭遘自右史竄黔南過三峽秭歸夢神人曰我黃麾神也祐公由此境司戶袁州參軍袁循乃記爲黃魔引靈寶之黃天魔王由不知黃麾之爲大禹臣也而廟記又言寇準經叱

灘亦有神扶舟自稱黃麾神黃麾與大翳虞余狂章童律烏木田等佐禹治水者見集仙錄治水爭奧錄作黃魔者訛

雞鄧神

益州記雞鄧神在相如縣東次北下步有雞鄧谿因此而爲之名通志引寰宇記作雞郤誤

亂國卽利州亂山

路史國名紀亂侯爵風俗通云亂夏諸侯國今利州之亂山乾德三年平蜀天寶元曰亂山出舞衣羅莘注今川錦是

有果氏

逸周書史記解皆有果氏好以新易故故者疾怨新故不和內

爭朋黨陰事外權有果氏以亡孔晁注有果亦國名路史國名記今果州

秦惠王并巴中

樂史寰宇記秦惠王并巴中以巴氏爲蠻夸長其人歲出賧二千二十六錢二歲一出義賧千八百錢其人戶出幪布八丈二尺雞羽三十簇漢興南郡太守靳強奏請一依秦時故事按秦惠王後漢書作秦昭王二十六錢作一十六錢而蜀錄云口歲出錢四十一作三十又漢書云歲令大人輸布一匹小口二丈是謂賓布說皆差互不同

周武王伐蜀

逸周書世俘解新荒命伐蜀按前云壬申荒新至告以馘俘此云新荒疑二人否則字有倒互

晉文公伐巴蜀

呂氏春秋晉文公西伐巴蜀

吳王伐巴蜀

呂氏春秋吳闔廬選多力者五百人利趾者三千人東征至於庫廬西伐至於巴蜀

陸通夫婦隱峩眉

皇甫謐高士傳陸通字接輿時人謂之楚狂隱蜀峩眉山案集仙傳接輿弃妻索氏同隱也

戶佼入蜀

漢書注戶子晉人也名佼秦相衛鞅客也鞅謀計未嘗不畀佼規也商君被刑恐并誅乃亡逃入蜀作書二十篇十九篇陳道仁義之紀一篇言九州險阻水泉所起也按漢文志戶子二十篇名佼魯人秦相商君師之鞅宛佼逃入蜀古今人表戶子品列中中與北宮子魯子公扈子捷子田衍駢相次史記孟荀列傳集解裴駰按劉向別錄曰楚有戶子疑謂其在蜀今按戶子書晉人也名佼秦相衛鞅客也衛鞅商君謀事畫計立法理明未嘗不畀佼規也商君被刑恐並誅乃亡逃入蜀自爲造此二十篇凡六萬餘言卒因葬蜀隨經籍志戶子九篇亡魏黃初

中續又按戶子劉向別錄作晉人史作楚人荀文志作魯人不知誰是

丹犁臣蜀

史記秦本紀十一年公子通封于蜀十四年丹犁臣蜀相壯殺蜀侯來降正義云丹犁二戎号也臣伏于蜀蜀相殺蜀侯并丹犁二國降秦在蜀西南姚府管內本西南夸戰國時蜀滇國唐初置犁州丹州也

王昌至蜀

漢書王昌傳輿年十二識命者李曼卿與俱至蜀十七到丹陽三十還長安

駢馬共使巴

尸子駢馬共爲荆使於巴見擔酰者問之是何以曰所以酰人也于是請買金不足蓋以車馬已得之盡注於江

龐德不葬蜀

王隱蜀記鍾會平蜀後鼓吹迎德屍喪還葬鄴冢中身首如生裴松之曰按德死于樊城文帝卽位又遣使至德墓所則其屍喪不應在蜀此王隱之虛說也

青牛先生入蜀

魚豢魏略初平中山東人有青牛先生者字正方客三輔曉知星麻風角鳥情常食青箱莞華似五六十年人或親識之謂其已百餘歲矣扈累隨正方遊學得其術建安十六年三輔亂隨正方入漢中漢中壞正方入蜀

去習隱蜀 耆域游蜀

陶穀青異錄去習者雲行至於峩眉山而隱蓄三隻鞍常穿二補一又案神仙傳天竺耆域亦游峩眉也

韋偃寓蜀

朱景玄名晝評韋偃京兆人寓居於蜀善畫山水竹樹人物等思高格逸居閒常以越筆點簇鞍馬千變萬態或騰或倚或屹或飲或驚或止或走或起或翹或跂其小者或頭一點或尾一抹山以墨幹水以手擦曲盡其妙宛然如真亦有圖麒麟之良

盡銜勒之飾巧妙精奇韓幹之匹也

翼珪遷蜀

晉載記秦行唐公洛與後將軍俱難并州刺史鄧羌會於涉翼健庭翼健戰敗遁於弱水苻洛逐之勢窘迫使還陰山其子翼珪縛父請降洛等振旅而歸堅以翼犍荒俗未參仁義令入太學以翼珪執父不孝遷之於蜀

平曾游蜀

唐范攏雲溪友議平曾恃才傲物多犯忌諱後遊蜀謁少師李固言時幕客皆名士曾每與諸客評論言笑終日侍於李側輕忽無所畏遂獻雪山賦云雪山雖茲潔白之狀疊障攢風夏日

清寒而無草木華茂爲人採掇以李罕作文章發於專經也李覽賦命推出不踰旬貢鯀鯀賦言此魚觸物而怒翻身上波爲鴟鳶所獲柰鯀鯀何李覽賦笑曰昔趙元叔之狂簡袁彥伯之機捷無以過焉然愛其文采投贊者無出於曾雖有忤不至深罪

李固言遊蜀

酉陽雜俎元和六年七月二十三日李固言遊蜀遇一老姥與言郎君明年芙蓉鏡下及第明年果然詩賦有人鏡芙蓉之目所遇老姥乃金天神也

蜀典卷四

董威介侯甫張澍編輯

宦蹟類

李冰而後厥有文翁漢魏至今吏也何窮珠獻文襲馬出世公錡哀入草王濬伐松蔓羅羣籍聊以補縫

嚴君

史記樗里子傳秦封樗里子号爲嚴君張守節正義云蓋封蜀郡嚴道縣因号嚴君疾名也按寧陽國志始皇滅楚徙嚴王之族以實其地因名嚴道據史記樗里子時卽有嚴道則常氏之言誤矣

王叕

姓源韻譜王叕卽李久同穿江按今人但知李冰矣猶之犒秦師者有奚施而弦高獨箸守睢陽者有姚闇而張許特傳與荆軻入秦者有宋意同畧政刺韓者有陽堅皆以本事而湮沒也叕方氏通雅作墾

張若

蜀記張若爲蜀郡太守卽張儀司馬錯共築成都李冰代之按黃帝臣有張若此同姓名也華陽國志秦惠王封國以張若爲蜀國守赧王五年張儀卽城成都周迴十二里高七丈郭城周七里高六丈臨邛城周迴六里高五丈造作下倉上皆有屋

而置觀樓射闕徙成都置少城內城營廣府舍置鹽鐵市官修整里闈市張列肆卽咸陽同制三十年秦孝文疑蜀侯綰反誅之但置蜀守若因取名及其江南地

都尉墨 田真黃

華陽國志周慎王五年秋惠王遣張儀司馬錯都尉墨等從后牛道伐蜀滅之按都尉姓也非官名張儀司馬錯皆不著官可知墨之姓都尉矣漢書儒林傳孔安國受尙書於都尉朝服虔曰朝名都尉姓當卽墨之後又按卽錯同勸伐蜀者有中尉田真黃見華陽國志隨司馬錯伐蜀者藺相如之孫因家成都見氏族略

林摯斬蜀守

漢功臣表平棘懿侯林摯以客從起亢父斬章邯所置蜀守  
文翁破水靈廟  
抱朴子文翁破水靈之廟而身吉民安桉水經注蜀有迴復水江神常溺殺人文翁爲守祠之勸酒不盡拔劒擊之遂不爲害稚川所言卽指此事也

文翁遺事

錄異傳文翁廬江人爲兒童時乃有神異及長當起歷下陂以作田文翁盡日所伐柴薪以爲陂塘其夜忽有數百頭野豬以鼻一載土著柴中比曉成塘殷芸小說漢文翁常亦作當起田所

柴爲陂夜有百十野豬鼻載土箸柴中比曉塘成稻嘗收欲斲一大樹欲斲處去地一丈八尺翁先呪曰吾得二千石斧當箸此處因擲之正斫所欲後果爲蜀郡太守按廬江七賢傳黨字翁仲未學之時與人俱入叢木謂侶人曰吾欲遠學先試投吾斧高木上當挂乃仰投之斧果上挂因之長安受經此卽殷芸所記一事也各述所聞遂有差互又按文翁傳云文翁終于蜀吏民爲立祠堂歲時祭祀不絕唐盧求成都記序云文翁明天文災異後以博士徵至侍中揚州刺史不知何所據太平寰宇記文翁宅在鄱陽縣東一百五十里基址具存東帶鄱陽北連溪水西接望夫岡有井清澄隴前栽桐樹文翁廬江人何以

宅在鄱陽亦所未喻

杜安

雋嶠漢書杜安擢爲宛令以病去章帝行過潁川安上書召拜御史遷至巴郡太守與樂恢書通問恢不報桉安字伯禽其子根字伯堅

鄭本

謝承漢書鄭弘傳其曾祖本齊國臨淄人官至蜀郡屬國都尉

武帝時徙絕宗大姓不得族居將三子移居山陰因遂家焉

韋豹 韋義

京兆舊事韋豹字季明爲菴陽令友人羅陵犍爲縣丞卒官喪

柩流離豹棄官致喪弟義字季節廣都長有惠化廣都爲立生祠

黃昌

水經注臨江有漢蜀郡太守黃昌宅橋本昌所創建也昌爲州書佐妻遇賊相失後會於蜀復修舊好

曹敏 曹述

漢中平邵陽令曹全碑云全敦煌效穀人高祖敏舉孝廉武威長史巴郡朐忍令曾祖父述孝廉謁者金城長史夏陽令蜀郡西部都尉

廉范

弱與

卷四

宦蹟類

四

東觀漢記廉范爲蜀郡守令民不禁火百姓皆喜家得其願時生子皆以廉爲名者千數

乘勝

姓氏急就篇益州太守乘勝桉漢書孝昭始元三年姑繪葉榆復反遣水衡都尉呂辟胡將郡兵擊之辟胡不進蠻夷遂殺益州太守乘勝昇辟胡

古成雲 古成夔

風信通古成子卽苦成子之後後隨音改焉漢有廣漢都尉古成雲按氏族略引作廣漢太守古成雲古音枯姓謐云唐開元時有古成夔爲雲陽尉

鹿旗

風信通漢有巴郡太守鹿旗子孫因家焉按五代孟蜀學士鹿虔辰當卽其後

莊丘黑

廣韻云漢有梁州刺史莊丘黑按莊丘複姓也或作牡丘誤魏書夏侯道遷傳梁以莊丘黑爲鎮虜大將軍秦梁二州刺史鎮南鄭黑請道遷爲長史兼漢中太守會黑死而道遷圖歸順是黑梁時人孫惄以爲漢人誤矣

何壽

漢百官表蜀郡太守何壽爲廷尉四年徙太僕何峩傳壽後爲

大司農桉東觀記何修生成爲膠東相成生果爲大中大夫果生比干爲丹陽都尉比干生壽爲蜀郡太守壽生顯一作鄖京輔都尉光祿大夫顯生寵濟南都尉寵生敞通志云廬江人誤其先汝陰人至比干徙扶風平陵也

張顥

于寶搜神記常山張顥爲梁州牧天新雨後有鳥如山鵲飛翔入市忽然墜地人爭取之化爲圓石顥椎破之得一金印文曰忠孝侯印王子年拾遺記常山張顥爲梁相天新雨後有鳥如山鵲稍下墜地民拾取卽化爲一圓石顥椎破之得一金印文曰忠孝侯印顥以上聞藏之秘府顥後官至太尉後議郎樊行

奪按書東觀上表言堯舜之時嘗有此官今天降印宜應復此官按李賢漢書注引搜神記亦作梁相非梁州牧是令升作梁州牧非顥字智明傳子言張顥以財賄得官與唐珍等同羊陟傳時太尉張顥弟司徒樊陵大鴻臚郭防等並昇官豎姻私公行貨賄陟竝奏罷黜之蔡邕奏對云太尉張顥爲中常侍霍王所進其人不足稱也

何燧

唐開元十道要略云漢何燧爲蜀郡太守理於樂城時郡邑凋殘人物窮困乃以己祿米施惠百姓此數城之民由是獲存臨別百姓以白米倍填曰荷君父之恩無以報後之州郡有職田

始于此

枚根 牧稂

漢書王莽時有越巂太守枚根爲邛穀王任貴所殺風信通云  
枚氏黃帝臣力牧之後漢有越巂太守牧稂顏籀云枚根一作  
牧稂也

袁京

漢書袁安傳安子京字仲譽習孟氏易作難記三十萬言初拜  
郎中稍遷侍中出爲蜀郡太守

王子雅

水經注蜀郡太守王子雅南陽西鄂人有三女無男而家累千

金父沒當葬女自相謂曰先君生我姊妹無男兄弟今當安神  
予宅騎靈后土冥冥絕後何以彰吾君之德各出錢五百萬一  
女築墓二女建樓以表孝思二樓雙峙齊竦高可丈七八柱圓  
圍二丈有餘石質青綠光可以鑒窮巧綺刻妙絕人工

扈商

姓諱漢有廣漢太守扈商見漢書孫寶傳以軟弱爲寶所  
奏

王阜

東觀漢記漢章帝時蜀郡王阜爲益州太守治化尤異神馬四  
匹出墳池河中桉謝承後漢書阜字世公爲重泉令時鸞鳥集

學宮聞磬聲而舞此事人多知之化致神馬志未之載又桉王阜南蠻傳作王追事在肅宗元和中姚之駟刻東觀漢記以王阜爲巴異誤矣

文襲獻珠

東觀漢紀永建四年漢陽太守文襲獻大珠順帝詔曰海內頗有災異而襲不推忠竭誠而誇明珠之瑞以求媚令封珠卻還按順帝紀作桂陽太守文礱音力工反詔詞亦微異袁宏記作漢陽都尉

諸葛身長八尺

姓源韻謐諸葛亮手長八尺形細面粗猶如松柏皮膚枯槁文

理潤澤桉手宜作身與本傳乃合

姜維膽大如拳

郭頌世語姜維見剖時其膽如斗大桉梁書范緘傳八采重瞳勛等之容龍顏馬口軒皋之狀形表之異也比干之心七竅列角伯約之膽其大如拳心器之殊也此非郭頌所言不同未知范氏何據又按金石文字記云升音陞音蚪世語姜維膽大如什誤作斗也

陰化

蜀志孫權彝諸葛亮書陰化不盡又蔣琬傳亮以琬爲府掾琬讓陰化桉漢黃龍甘露碑末云菴陽令陰化菴陽在漢屬犍爲

今爲眉州彭山縣也陰化爲產陽令蜀志不載

許靖

獻帝紀九年封皇子熙爲濟陰王懿爲山陽王邈爲濟北王敦爲東海王山陽公載記云時許靖在巴郡聞立諸王曰將欲歛之必姑張之將欲奪之必姑與之其孟德之謂乎

龐肱

碑目考漢涪陵太守龐肱闕肱龐士元之子後帝時嘗爲涪陵太守淳熙中賢良任子宜舟過涪陵于民家見漢隸隱然遂載以歸碑在左縣任賢良家按龐統傳統子宏字巨師剛簡有臧否輕傲尙書令陳祗爲祗所抑卒於涪陵太守字不作肱隸續

云漢故涪陵太守昌陽龐玄神道十二字今在資州此所謂漢乃劉蜀之漢也又按肱書蓋稷臣作朕股肱古文尙書作玄

龐衷

姓諱龐衷後漢時爲縣令按寧陽國志韓揆爲縣竹令主簿值黃巾賊入界扶龐衷走入草中衷遣求隱翳處未還衷爲賊所得見害揆葬訖詣從事賈龍求兵討賊是衷劉焉時爲縣竹令也

義歆

氏族略引蜀錄漢末有上庸都尉義歆按蜀錄涼州刺史羅尙聞趙廢反上表願往征之惠帝拜尙爲平西將軍領護西校

尉益州刺史督牙門王敦上庸都尉義歆等率七千人入蜀是  
義歆非漢時人鄭氏誤

薛永 薛齊

氏族略薛氏自仲虺爲諸侯歷三代凡六十四世至愍侯弌爲  
齊所滅公子登仕楚懷王賜沛邑爲大夫遂以國爲氏或言登  
隱于博徒號薛公者曾孫倪爲楚令尹生翁翁生鑒漢初獻策  
滅黔封千戶侯元孫廣德御史大夫生饒長沙太守生原淮陽  
太守因徙居焉愿孫漢爲千乘太守漢生彪司徒祭酒彪生侍  
御史安期六代孫蘭爲曹操所害生永遂依蜀先主官至蜀郡  
太守生齊爲巴蜀蜀郡太守歸晉爲光祿大夫河東太守因家

汾陰世号蜀薛二子懿始桉唐世系表清生愍侯洪爲楚所滅  
此云齊滅又云鑒獻策滅黔布此云滅黔皆誤又桉表云蘭爲  
兗州別駕永字茂長齊字夸甫而不見陳壽志則蜀臣佚沒者  
多矣魏書眾議以薛氏爲河東茂族帝曰薛氏蜀也豈可入郡  
姓直閣薛宗起在殿下出次對曰臣之先人漢末仕蜀二世復  
歸河東今六世相襲非蜀人也伏以陛下黃帝之胤受封此土  
豈可亦謂之胡耶今不預郡姓用生何爲乃碎戟於地帝徐曰  
然則朕甲卿乙乎乃入郡姓仍曰卿非宗起乃起宗也按北史  
薛聰傳爲羽林監帝曾與朝廷論海內姓地人物戲謂聰曰人  
謂卿諸薛是蜀人定是蜀人不聰對曰臣遠祖廣德世事漢朝

時人呼爲灌臣九世祖永隨劉入蜀時人呼爲蜀臣今事陛下是虜非蜀也帝撫掌笑曰卿可自明非蜀何乃遂復苦朕聰因投戟而出帝曰薛監醉耳其見知如此元行冲後魏國典作薛

宗起

正貺 正昂

寧陽國志蜀郡太守正貺命任末爲功曹察孝廉舉有道博士徵不詣按益州太守正昂爲雍闔所殺見蜀志按正貺一作闔貺

寵義

姓苑蜀漢有長史寵義

古牧 古朴 古世弘

風信通漢有廣漢功曹古牧按蜀志夏侯纂功曹古朴宜卽其後常璩云古德陽大族之甲也古朴廣漢人爲王邁妻張叔紀作頌又高陽令楊著碑陰有廣漢古世弘

李光

寧陽國志李密祖父光爲朱提太守

會相

風信通漢有峩陽太守會相按廣韻引作會相急就章相作柂氏族略作炳

王濬

零陽國志王濬爲益州刺史蜀中山川神祠皆種松柏濬以爲非禮皆廢壞燒除惟取其松柏爲舟楫唯不毀禹王祠及漢武帝祠又禁民作巫祝于是蜀無淫祀之俗

索遐

水經注義熙九年索遐爲果州刺史自城固治南城桉宜作索邈果州當作梁州

蜀郡守朱

李綽尙書故實王內史書帖中有與蜀郡守朱不記

書求櫻桃

來禽日結籐子又云胡桃種已成矣又問曰司馬相如揚子雲有後否蜀城門是司馬錯所製存乎按佩觿辨證曰桉尙書故

實云王內史有與蜀守書求櫻桃來禽日結籐子言味甘來眾禽信作林檎

吉翰

幽明錄元嘉中益州刺史吉翰遷爲南徐州先於蜀中載一青牛下常自乘恆於目前養視翰遭疾多日牛亦不肯食及亡牛流涕滂沱吉氏葬未還都先遣驅牛向宅牛不肯行人知其異即待喪既下船便隨去

壘襲

十六國春秋苻秦有梓潼太守壘襲校一作棓襲襲一作錫後趙錄云壘本姓裴改爲壘

鉗耳祖郎

路史注隨九門令鉗耳文澈清德頌有云祖郎爲成集二州刺史

郭銓

水經注枝江縣人劉凝之字志安兄盛公高尙不仕凝之慕老萊嚴子陵之爲人立屋江湖非力不食妻梁州刺史郭銓女亦能貧宋元嘉中夫妻隱於衡山終焉不返

馮遷

王韶之晉書桓孚之初奔也經日不得食左右進粗粥咽不下子昇抱孚胸撫之孚悲不自勝至故鄉洲益州都護馮遷斬孚

于此洲斬昇于江陵

孟彥暉

錄異記泰成三年庚午六月五日癸亥廣漢太守孟彥暉奏西湖有金龜徑寸遊于荷葉之上画圖上聞

錫休儒

姓氏書辯證梁有益州刺史錫休儒按氏族略引無儒字休儒宜爲錫光之後光漢中西城人光弟時爲交州刺史長冲又魏書錫休儒爲益州長史非刺史也鄧元亞說誤

李彝

按文苑英華有任彝送李彝宰新都序云宗室後進有以學術

辭藻著稱者彝也少好學通九流百家之言善屬文有大節召試西掖與莊若訥高郢同入高等執政以彝大人在蜀故授新都以榮之又按李元諒頒有銜朝散大夫守宗正寺丞李彝篆額卽是人也

袁嵩子璣

前定錄袁天綱祖嵩周朝歷犍爲蒲陽蒲江二郡守車騎將軍父璣梁州司馬

郭元振

劉餗隨唐嘉話郭尙書元振始爲梓州射洪令徵求無厭至掠部人賣爲奴婢者甚眾後聞之使籍其家唯有書數百卷後聞資財所在知皆以濟人於是奇而免之

犀浦主簿

唐書顏春卿傳調犀浦主簿嘗送徒于州亡其籍至廷口記物色凡千人無所差按犀浦縣唐垂拱二年分成都地置取李冰所造石犀爲名宋熙寧五年省也

香尉

馮贊記事珠漢雍仲子進南海香物拜涪陵尉時人謂之香尉按涪陵太平廣記作涪陽誤矣

郪縣令

大唐傳載李鎮惡卽趙公嶠之父選授梓州郪縣令與友人書

曰州帶子號縣帶妻名由來不屬老夫併是婦兒官職

甘子布

劉肅大唐新語益州每歲進甘子皆以紙裹之他時常吏嫌其不敬代之以細布既而恆恐有甘子爲布所損每歲多懷憂懼俄有御史甘子布至長吏以爲推布裹甘子事因大懼曰果爲所推及子布到馴長吏但敘以布裹甘子爲敬子布初不知之久而方悟聞者莫不大笑子布好學有文才知名當代按朝野僉載周甘子布博學有才年十七爲左衛長史不入五品登封年病以驢輦彊至獄下天恩加二階合入五品竟不能起親戚來賀衣冠不得遂以祫袍覆其上帖然而終卽是人也

蜀令劉靜妻

朝野僉載蜀縣令劉靜妻患病明崇儼曰須生龍肝食之必愈靜以爲不可得儼乃書符乘風放之上天須臾有龍下入甕水中剔取肝食之遂差

亢朝榮

韋皋傳皋鎮蜀有部將亢朝榮以兵破吐番按今唐書作亢榮朝誤

論惟賢

唐書論惟賢官劍南節度使桉論惟賢並威人

蕭銖

唐比丘尼惠源誌銘有云父諱錢給事中利州刺史按宰相世系表作錢蕭瑀第三子官給事中不云利州刺史者表之疏略也

終郁

唐杜甫有題終明府水樓詩終係功曹攝奉節令名郁達悉采

希姓錄九希采戎州太守按唐時有達悉采爲戎州太守樂林官吏序與地記勝竝作達悉采升葦誤又按周大象末達悉慧爲益州刺史王謙據益州有將達悉堪攻利州

徐師道

按唐徐浩碑稱師道官益州缺二字縣尉泐其縣名偃師遺文則爲九隴二字上文州字上泐一字以爲九隴屬彭州當是彭字然考徐浩古蹟記云臣先祖故益州九隴縣尉贈吏部侍郎是師道爲益州九隴縣尉也唐地理志彭州濛陽郡垂拱二年析益州置師道爲尉在未析置叭前碑字原作益州也

歧苞

姓源唐有歧苞南郡人爲縣竹令按華陽國志辛冉遣護軍會元攻李特等爲特所殺羅尚督護田佐牙門劉竝助冉復敗進圍廣漢尚復遣犍爲太守李苾長史費遠助冉不能克冉託罪于縣竹令歧苞斬之而潰圍走德陽姓源作唐人誤也

荀琦 荀廣

蜀錄關中流人荀琦荀廣桉琦一作蹠天水人殺李離及尚書令閭或以梓潼歸羅尚琦送離母子于尚尚斬之分其室

升度

正字通宋有四川漕使升度按晁公遡讀書志序言得南陽公書五十篋陳振孫曰南陽公未知何人或云升度憲孟也是升憲孟矣

古成之

姓謐古成之嶺外人及進士第爲縣竹令常遇異人授道按古成之河源人張詠帥蜀辟知縣竹縣

刑瓈

氏族考宋有刑崇紹興間簡州法曹

立智理威

元史至元中蜀初定世祖閔百姓傷殘擇近臣撫安以立智理威爲嘉定路守時方以闢田均賦弭盜息訟諸事課守令理威奉詔甚勤民安之使者交薦其能

萌慮

姓謐五代蜀裨將萌慮

澗平

陝西志澗平寶雞人永樂舉人任成都府教授

荀典

卷四

宦蹟類

七

李敏

氏姓謚李敏隴西人宣德中舉人任嘉定州學正升四川僉事  
按甘肅通志李敏通渭人正統進士官學士豈同姓名者耶

類康

氏族謚類康鰲山人正德中任新繁縣訓導

侍懋

氏姓謚侍懋六合人明洪武中任綦江縣訓導

烜冲霄

姓謚烜冲霄沔縣人萬曆中任長壽縣主簿

羿忠

萬姓統謚羿忠湘潭人洪武中官遂寧縣知縣

寸居敬

氏姓謚寸居敬浪穹人嘉靖間任梓潼縣知縣

曉枝

統謚曉枝醴陵人嘉靖中官四川墊江縣丞

臨淮

明史何洪傳德陽人趙鐸反稱王四川都指揮僉事臨淮戰死

宰用

明史宰用山後人成化中臥寧州指揮升都督僉事鎮四川有  
戰功

可越

湖廣志可越蘄水人永樂舉人任四川郫縣訓導

仕萬倉

陝西志仕萬倉涇陽人隆慶中爲成都府經歷

仙名

甘肅志仙名河州人明正德中官四川合江縣知縣

玉恩

統譜玉恩彰縣人弘治中官眉州判官

陝嗣宗

洪雅志縣有九角堰明時陝嗣宗築隄禦水嗣宗湖廣人

利本堅

廣東志利本堅英德人由監生任贛縣主簿安岳縣丞正德七年升縣令多事之際能愛民節費

泰郎

陝西志泰郎中部人嘉靖中官蒼溪縣主簿

牒昇

安岳志牒昇陝西蒲城人正統間由舉人知縣事廉能勤慎平易近人民愛之如父母無敢欺者歷九年如一日擢知鄧州氏姓謠作牒昇蒲州人者誤

戰符

大足縣寶頂山有靈湫泉詩碑又圓覺洞石壁詩署銜云忠州刺史楚人戰符澍署大足縣篆時親見之

力晟

江南志力晟宿遷人萬厤中任四川榮縣主簿

木叢奇

雲南志木叢奇永昌舉人萬厤中任安岳縣敎諭

月輝

江西志月輝字本明贛縣人知江油縣以清苦稱

漆登

江西志漆登字汝高高安人少孤事母孝嘉靖舉人授貴州永

寧知州升馬湖府同知因其信陋加意造士捐俸資給之麻陽寇亂協勦告捷以薦兩點蜀黔考試官告養親歸登一作澄

乙山

江南志乙山海州人嘉靖中官東鄉縣訓導

魄邦衡

湖北志魄邦衡潛江人萬厤中官資陽縣知縣

輔成

江南志輔成崇德人天順中任夔州判官

禹範 禹祥 禹節

甘肅志禹範臨洮人官蓬州學正禹祥字廷珍臨洮人任劍州

知州公平廉明性至孝家嘗被火祥惟抱先人主餘悉不顧續通志知仁壽縣以治行稱又禹節嘉靖時任大足訓導

王淵

陝西志王淵蒲城人洪武中官四川僉事

倚東周

陝西志倚東周富平人萬曆中任通縣主簿

粘宣

統謐粘宣貴縣人成化中任東鄉縣知縣

潛玉

統謐潛玉福州人永樂中官大寧縣知縣

諶賤生

福建志諶賤生邵武人洪武中以國子生爲岳池縣典史廉介有爲升四川按察僉事列名章善錄

尋孔樂

山西通志尋孔樂易曲人正德中任夔州府通判

冰如鑑

統謐冰如鑑繁昌人萬曆中任四川寧州衛千戶

弘啟

江西志弘啟臨川人正德中知平遠縣

星奎

湖廣志星奎沅江人洪武中任敘州府推官

禹文光

湖廣志禹文光公安人嘉靖舉人事母成氏孝爲巴縣令有惠政所著有擬陶詩

它成

甘肅志它成官建武營遊擊父名元鼎西寧礪伯人

糟仁

興文志糟仁鳳翔人由行伍乾隆十五年任建武營遊擊

操宣

安慶志操宣潛山人嘉靖中任四川合州判官

叢方齒

如皋志叢方齒如皋人康熙時任德陽縣知縣

從龍

統謐從龍字雲舉天順舉人任富順縣知縣升麻哈州敎民製巾以冠

宜訓

陝西通志宜訓字孟庭潁州人以恩貢授峨眉令時南山多水患訓達山引水蓄洩有法灌漑民田數萬頃民胥賴之

時植

河南志時植字良材通許人以太學生任四川梁山縣主簿正

德六年署縣事流賊攻城城陷被執不屈死之

慈止

統謐明有慈止仁壽人永樂中任大足縣訓導

呼延信

陝西志呼延信綏德州人宣德中任四川右參政

槐寅

福建志槐寅福清人萬曆中任四川都指揮

延瑁

陝西志延瑁韓城人官給事中永樂六年安撫四川

橋宗義

山西志橋宗義曲沃人成化中任什邡縣丞

軻興

統謐軻興直隸人明宣德時官簡州衛千戶愛恤士卒崇尚禮義尤勤于政事

葵玉

涿州志葵玉涿州人弘治中任順慶府同知

鎮洪

明曹震開永寧河碑記貴播駟鋪橋道委播州宣慰司楊重慶  
千戶鎮洪提調軍民以開通

秋逢慶

河南志秋逢慶汝寧舉人嘉靖中任遂寧縣嚴於御吏門禁肅然

海岱

江南志海岱臨淮人正統時官射洪縣知縣

第五德

陝西志第五德字宇元三水人正德中任夔州府通判

束真

丹徒志束真字西侯任資陽知縣順治丙戌科進士

貫道

廣西志貫道興平人嘉靖中任四川井研縣知縣

本進忠

甘肅志本進忠字輔庭西寧人祖名天素父名成雍正五年隨征準噶爾有戰功升雲南提督後入成都籍

蜀典卷五

卷之三

故事類

石室漢畫俞人古樂皇帝八兄弓子五百鹽井曷穿鸚  
曷作女或化男魚乃爲石收爲故事莫疑吠雪

# 樊英救成都火

楚國先賢傅樊英隱於壺山嘗有暴風從西方起英謂學者曰  
成都市火甚盛因含水西向噀之乃令記其時日後有从蜀郡  
來者云是日大火有雲從東起須臾大雨火遂滅按漢書方術  
傳亦載此事乃謂係朝會噀酒與葛洪神仙傳記染巴噀酒相

俱皆是成都事

蛟畏鐵

聞見錄峽有長蘆寺臨江門起水中每爲蛟所壞本朝明肅太后以服用爲資以建長老曰后必欲起之須用生鐵數萬斤置其下乃成蓋蛟畏鐵也

鬪牛戲

太平廣記引成都記云李冰爲蜀郡太守有蛟歲暴漂墊相望冰乃入水戮蛟已爲牛形江神龍躍冰不勝及出選卒之勇者數百持彊弓大箭約曰吾前者爲牛今江神必亦爲牛矣我以大白練自束以辨汝當殺其無記者遂吼呼而入須臾雷風大

起天地一色稍定有二牛鬪於水上公練甚長白士乃齊射其神遂斃從此蜀人不復爲水所病至今大浪衝濤欲及公之祠皆瀾瀾而去故春冬設有鬪牛之戲未必不由此也祠南數千家邊江低圮雖甚秋潦亦不移適有石牛在廟庭下唐太和五年洪水驚潰冰神爲龍復與龍鬪于灌口猶以白練爲誌水遂漂下左縣梓潼皆浮川溢峽傷數十郡唯西蜀無害

四分麻

永昌麻

正象麻

晉志先主在蜀仍謹四分麻按吳改四分麻爲乾象麻魏改太和麻爲景初麻四分麻李梵所撰也四分麻之法三紀而爲一元元首歲必甲寅紀元或甲戌或甲午不皆甲寅又按五代史

蜀有永昌麻正象麻係王建孟知祥等二僭國之麻也北夢瑣言云司天監胡秀林進麻移閏在丙戌年正月有向隱者亦進麻用宣明法閏乙酉年十二月旣有異同彼此紛訴仍于界上取唐國麻日近臣曰宜用唐國閏月也因更改閏十二月街衢賣麻者云只有一月也其年十二月二十八日國滅胡秀林是唐朝司天少監仕蜀別造永昌正象麻推步之妙天下一人然移閏之事不爽麻議常人不可輕知之是永昌正象乃胡秀林作也宋荔文志蜀峩成永昌麻三卷

諸葛父子畫

歷代名畫記諸葛峩侯父子皆長於畫按忠峩侯之善畫於爲

石室畫

沈作詰寓簡云南豐跋峩都太守西狹頌謂得此圖然後始見漢畫然予見王逸少帖云成都學有文翁高眠石室及漢太守張收畫三皇五帝三代君臣并仲尼七十弟子畫皆精妙可觀予後因從蜀人求臨本晚乃得石刻信如逸少言然則石室之畫又先於峩都矣子固蓋未之見

巴渝鼓員

前漢書禮樂志巴渝鼓員三十六人顏師古曰巴巴人也渝渝人也當高祖初爲漢王得巴渝人竝趨捷善鬪與之定三秦滅

楚因存其笙樂也巴渝之樂因此始也巴卽今之巴州渝卽今之渝州各其本地

鹽府校尉

冊府元龜蜀先主定益州置鹽府校尉鹽鐵之利甚多有裨國用按蜀志王連爲廣都令遷司鹽校尉張裔傳有司鹽校尉岑述此云鹽府校尉疑誤岑述常爲督運領李平以運不辦欲殺者卽此人也

季謨戶口

冊府元龜蜀章武元年國有戶二十萬男女口九十萬按王隱蜀記後主遣尚書李虎送士民簿領戶二十八萬男女口九十四萬帶甲將士十萬二千吏四萬人事在炎興元年

雲漢圖

博物志劉襃桓帝時人曾畫雲漢圖人見之覺熱又畫北風圖人見之覺涼襃官至蜀郡太守按益部耆舊傳楊由有兵雲圖時竇憲將兵在外遣工從由寫圖以進寧陽國志大將軍竇憲從太守索雲氣圖楊由諫莫彝尋憲受誅太守當卽劉襃雲氣圖亦卽雲漢圖也憲雖誅於和帝世則襃爲太守亦當在和帝時至桓帝世尙在蜀耳

蜀中鏤書

王伯厚因學紀聞云古未有板本好學者患無書桓譚論謂梁

子初揚子林所寫萬卷至於白首南齊沈麟士年過八十手寫細書滿數十篋梁袁峻自寫書課日五十紙抱朴子所寫反覆有字金樓子謂細書經史莊老離騷六百三十四卷在巾箱中後魏宜作周裴謨借異書躬自錄本其勤與編蒲緝柳一也國史

萩文志唐末益州始有墨板多術數字學小書後唐詔儒臣田敏校九經鏤本於國子監國初廣諸義疏音釋令孔維邢昺讎定頒布桉孔氏雜說以刻板印賣始于唐明宗長興二年宰相馮道李愚之奏沈括筆談亦云而柳玭序文云嘗在蜀時書肆中閱印板小學書玭唐人則不始於五代矣然考隨文志開皇十三年十二月八日敕廢像遺經悉令雕撰此印書之始冊府

元龜王清明揮麈錄蜀中始有板本文選十國春秋毋昭裔傳常請後主鏤板九經令門人句中立孫逢吉書文選初學記白氏六帖刻板行之是蜀刻不止文選也

五雲太甲

王勃蓋州夫子廟碑有云帝車南指遁七曜于中階  
夸蓋西臨藏五雲于太甲杜甫出瞿唐峽詩五雲高太甲六月曠搏伏蓋入蜀見此碑用其語也段成式謂張燕公讀碑自帝車至太甲四句悉不詳訪之一公一公言北斗建午七曜在南方有是之祥無位聖人當出夸蓋以下卒不可曉宋王應麟云晉天文志夸蓋杠旁六星曰六甲分陰陽而配節候太甲恐是六甲一星

之名本朝閻有詩云隨書天文志天子欲有所游往其地先發天子氣或如鸞蓋在霧氣中或有五色蒼帝起青雲捧日云云以證鸞蓋五雲亦一解而太甲終當闕疑桉班固漢武內傳曰伏見廣伏山青童真小童授六甲靈飛於太甲中元凡十二事又雲氣干犯占曰黃雲氣入六甲術士用黃白氣入太史授爵賜蓋太甲者主司六甲之神也五色雲氣入則有聖人利見之祥子安之太甲五雲當卽此說

邑君

漢書西南夷傳青衣道夸邑長令田注令姓田名後漢書南蠻傳青衣道夸邑長令田與徼外三種夸三十萬口齎黃金旄牛

既舉土內屬安帝增令田爵號爲奉通邑君按邑君酋首也夜郎王興從邑君數十人入見陳立是矣光武建武十二年封九真徼外蠻里張游爲歸漢里君卽邑君也注以里爲蠻夸別號失之東觀記云順帝時葉調國王遣使師曾詣闕貢獻以師曾爲漢歸義葉調邑君賜其君紫綬西羌傳和帝永元六年蜀郡徼外大辟夸種羌豪造頭等率種人五十餘萬口內屬拜造頭爲邑君長亦是豪率之稱繁長張禪題名碑有邑君蘭世興邑君宋缺季漢有蘇祁邑君冬逢見蜀志

斯叟

十六國春秋蜀錄李雄玉衡十七年春正月越雋斯叟反寧州

秀才潘遺起義兵應之攻圍鎮南將軍任回及太守李謙等雄  
遺征南將軍羅恆費黑救之寧州刺史尹奉遣裨將姚嶽朱提  
太守楊術援遺戰於臺登嶽等敗績術力戰死夏四月斯叟破

瞎巴

魏書董紹傳蕭寶夤反于長安也紹上書求擊之云臣當出瞎  
巴三千生噉蜀子肅宗謂黃門徐乾曰此巴眞瞎也乾曰此是  
紹之壯詞云巴人勁勇見敵無所畏懼非寔瞎也帝大笑勅紹  
速行

作五百石子

蜀庸賃自食夏則避暑反落歲以爲常故蜀人謂之作五百石  
子按今其俗猶然男則負棗桃核椒醬市女爲人家供薪汲呼  
爲播羅子亦呼二姐子也

五苑

後漢書安帝紀六年春正月庚申詔越雋置長吏一作利高望始  
昌三苑又令益州郡置萬歲苑犍爲置溼平苑

八兄皇帝

錦里耆舊傳朱溫賀蜀王建書八兄皇帝

弓頭

常璩巴志云弓頭虎子在朐䏰按卽白虎復夸亦卽板楯蠻也

彊弓貌音奇，粵陽國志云：張儀城江州，司馬錯自巴涪水取楚商於之地爲黔中郡。白虎爲患有秦精者，作白竹弩殺之。秦王刻石與盟，其時號白虎復夸唐盧求成都記序言：白虎通四郡傷千二百人。

十索

沈存中筆談云：唐書開元錢重二銖，四索今蜀郡亦以十索爲一銖。按索古纍字，律歷志所云十黍爲索，十索爲銖。今筆談刊作十參誤矣。

巴蜀粟

史記平準書山東被河菑及歲不登，天子詔曰：江南水耕火耨，令飢民得流就食江淮間，欲畱之處遣使冠蓋相屬於道護之下巴蜀粟以振之。

• 繆巴寺蛇

繆巴寺在通江縣西百里。縣志云：相傳繆巴真人建法座下有石穴，每歲仲夏一蛇長三尺許，先出羣蛇大小顏色不一，絡繹隨之游於殿堂，凡榻廚器之間，或至數日不畏人，亦不傷人。人亦不相害也。必僧爲食以飼之，食已其先出者先至穴口俟羣蛇畢入而後入焉。土人傳爲四萬八千尾云。今尙然。

奉聖樂 順聖樂

盧氏雜說：韋皋鎮蜀，進奉聖樂曲兼舞人曲謡，同進到京於

留邸按閱教坊數人潛窺因得先進按國史補于司空頤因韋太尉進奉聖樂亦撰順聖樂以進

鸚鵡塲

戒菴漫筆韋南康鎮蜀時有一鸚鵡甚慧馴養者曉以佛理一日不震不仆斂翼委足奄然而絕焚之有舍利韋公爲立塲塗之號曰鸚鵡塲

古竈

范大成吳船錄蜀中眉郡治有古竈在廳事後太守不敢居屬鑰奉祠之

工官

前漢書貢禹傳蜀廣漢主金銀器歲各用五百萬三工官官費五千萬如淳曰地理志河內懷蜀郡成都廣漢皆有工官主作漆器物者也師古曰如說非也三工官謂少府之屬官考工室也右工室也東園匠也上已言蜀漢主金銀器是不入三工之數也

中團

王氏見聞云偽蜀有尋事團亦曰中團小浣使蕭懷達主之蓋軍巡之職也懷達自所團捕捉賊盜年多官位甚隆所管中團百餘人各養私名十餘輩或聚或散人莫能別呼之曰狗至于深坊僻巷馬醫酒保乞丐傭作及販賣童兒輩竝是其狗民間

有偶語者宮中罔不知又有散在州郡及勳貴家當庖看既御車執樂者皆是其狗公私動靜無不立達于懷若是以人懷恐懼常疑其肘腋腹心皆是其狗也

布裹篙頭

荊州記魚復縣瞿塘灘上有神廟先極靈驗刺史二千石經過者皆不得鳴角伐鼓商旅恐觸石有聲用布裹篙頭桉水經注作皆不得鳴角伐鼓商旅下有上水二字頭作足

掘龍骨

寧陽國志蜀五城縣有元峩山一名三嶠山其山六屈三起山出龍骨相傳龍升其山值天門閉龍升天不達墜死于此後沒

地中民掘取其骨入藥用冬夏無已五城一作元城誤

神禹誕辰

路史鯀納有莘氏曰女志是爲脩己以六月六日屠臚而生禹於僰道之石紐鄉所謂剗兒坪

楊宣聽雀鳴

蓋都耆舊傳楊宣爲河內太守行縣有羣雀鳴桑樹上宣謂吏曰前有覆車栗按論衡廣漢陽翁偉能聽禽獸之音宣爲翁偉弟子故曉鳥言也

銅馬嘶

存心錄宋高宗紹興二十六年成都郫縣地出銅馬高三尺工

製甚精中宵風雨忽聞嘶聲時以帝忘金人之仇而神怒也夸  
堅志云成都郫縣村民鑿古墓遂得一銅馬高三尺餘制作精  
妙前簡池守景季淵取以歸中宵風雨輒聞嘶聲怪而不敢留  
移送佛寺紹興二十六年王晦叔自小淡至淡都士人黃伯淵  
請作銅馬歌其詞曰君不見孝皇逸志役九垓追風躡影思龍  
媒魯班門外立銅馬天廄馬匹皆塵埃又不見伏波將軍破交  
賊歸來殿前獻馬式據鞍習氣殊未衰想見老子真矍鑠兩京  
翻覆知幾秋只有山河供客愁孤帆落日蠶叢國忽出神物於  
荒邱季黃壤誰作主猶把歸心泣風雨只恐一朝去無蹤有似  
豐城寶劍化雙龍黃之歌甚工不知此馬今安在也

益州進白驃

鄭棨開天傳信記爭宗將登泰山益州進白驃至潔朗豐潤權  
奇偉異上遂親乘之柔習安便不知升降之勞也告成禮畢復  
乘而下纔及山址上休息未久有司言白驃無疾而殮上歎異  
久之謚曰白驃將軍命有司具櫬櫨壘石爲墓墓在封禪壇北  
數里至今存焉

杜鴻漸得鼓杖

南卓羯鼓錄宰相杜鴻漸亦能之永泰中爲三川副元帥西川  
節度使至成都李琬有削杖者在蜀以鼓杖獻鴻漸鴻漸得之  
示於眾曰此尤物也當衣衾下收貯積時矣匠曰某于脊溝中

養之十年及出蜀至利州西界望嘉陵驛入漢川矣自西南來始臨嘉陵江頗有山水景致其夜月色又佳乃與從事楊炎杜亞一作悰孫源孝曰案代宗廣德二年崔旰反成都命鴻漸以宰相兼山南劍南副元帥往鎮撫之鴻漸悼旰許以不死反委以政日弁从事楊炎杜亞縱酒高會則此是亞無疑悰子峩宗會昌間鎮東川非從事也輩登驛樓望江月行觴讌話曰今日出艱危脫猜迫外則不辱命于朝廷內則免中禍於微質皆諸賢之力也旣保此安步又瞰此殊景安得不自禍乎遂命家僮取鼓鼻板笛以前所得杖酣奏數曲一作西山猿鳥皆驚飛鳴噭噭一作飛從事悉異之曰答夔之搏拊百獸舞庭此豈遠耶鴻漸曰若某于此稍曾致力未臻尤妙尙能及此况至聖御天一作遇賢臣考樂飛走之類何有不感因夫訛

言此有別墅近寧嚴閣每遇風景晴朗時或登閣奏此初見羣羊牧于山下忽數頭躡蹣不已某不謂以鼓然也及止鼓羊亦止某復鼓羊亦復然遂以疾徐高下而節之無不應之而變旋有二犬自其家走而吠之及羣羊側遂漸止聲仰首一作逐聲俯仰若有所聽少選卽復宛頸搖尾亦從而變態是知卒舞固不難矣其後乃不敢爲也一本無此句

按一本末又有云近士林中無習之者唯僕射韓皋善亦不甚露爲鄂州節度使時聞於黃鶴樓一兩習而已

筆寶

成都古今記西蜀聖壽寺僧楚安妙畫山水須一旬以來方就

一扇收得其筆謂之筆寶

廣聖節

錄異記蜀乾德元年七月十五日庚辰降誕廣聖節堋口鎮王彥徽於羅真人宮內得白龜以獻

許旌陽拔宅上昇

十二真君傳許遜舉孝廉拜蜀旌陽令慕道棄官歸師文洞君吳猛傳三清法要至太康二年八月一日於洪州西山舉家四十二口白日拔宅上昇按此說誤卽今人相承之說所自也

程君友昇仙

茅亭客話遂州小溪縣石城鎮仙女埢村民程君友遇道士隨

往青城山道士曰爾有仙表得至於此開囊取丹一粒令吞之曰若有飢渴則可嚼柏葉柏實君友懇祈願往仙齋道士曰爾且歸家吾至九月八日當來迎爾君友歸別止一室嘗焚柏子柏實靜坐無營時嚼柏實三五顆而已門外柏樹有大盤石嘗偃息於上至九月七日夜如有所待達旦雲霞相映五色君友躡空而去

蜀路星墜

李綽尚書故實李師誨者畫蕃馬李漸之孫也爲劉從諫潞州从事知劉不軌遂隱居黎城山潞州平朝廷嘉之就除一縣宰曾子僧處得落星石一片僧于蜀路早行見星墜於前遂圍數

尺掘之片石如斷磬其一端有雕刻狻猊之首亦如磬有孔穿條處尙光滑豈天上樂器毀而墜歟此石後流轉到安邑李甫宅中

祝鼠

元史世祖至元二十二年六月馬湖田鼠食穀殆盡總管祠而祝之鼠悉赴水死按元史世祖本紀至元二十二年九月烏蒙叛命四川行院伊蘇岱爾將兵討之馬湖路總管舒策以蠻軍三百爲助降西崖門酋長阿者等百餘戶是年六月馬湖部田鼠食稼殆盡其總管祠而祝之鼠悉赴水死本紀惜無總管姓名或卽舒策歟舒策舊作汝作今改正

魚化

黃休復茅亭客話青城縣漁者釣歸傾其魚于竹器中有一魚化爲石長四寸許鱗鬣粲然若活其堅子將石魚于椀水中或搖鬣振鱗漁者驚異取出置土甕中因是鄰里求觀者衆在水則活離水則爲石卒以爲常

乾德年號

山堂肆考宋太祖平蜀蜀宮人入內鏡背有識乾德四年鑄者召寶儀問之對曰蜀王衍嘗有此年號太祖大說曰宰相須用讀書人按此時正太祖乾德四年故上怪問之宋朝類苑江南保大中浚秦淮得石誌按其刻有大宋乾德四年凡六字他皆

沒滅不可識令諸儒參驗乃輔公祐反江東時年號也此不惟年號同於國號亦符按公祐于乾德六年稱帝反江東明年三月卽敗安得有四年石誌所言可疑

五色雲見

玉海紹興三十二年孝宗卽位閩州奏六月十日有五色雲見錦屏山之西浮空映日自未及申在卽位一日允合受命之符

畫三時山

圖畫見聞志張詢南海人避地居蜀善畫吳山楚岫枯松怪石中和間嘗於昭覺寺大悲堂後畫三壁山川一壁早景一壁午景一壁晚景謂之三時山人所稱異也

鐘樓

陸游入蜀記采訪殿前有鐘樓高十餘丈三層累磚所成不用一木而欄檻飛翬雖木工之良者不能加也但鐘爲磚所掩閉聲不甚揚亦是一病

一折柱

盛弘之荊州記巴東有一折桂孤直高三丈大可十圍傳云是公孫述樓柱破之血出枯而不朽

墜石流泉

錄異記壬子歲七月十三日青城鬼城山因滯雨崖崩暴水大至在丈人觀後高百餘丈殿當其下將憂摧壞俄有墜石如崖

堰水向東竟免漂陷觀中常汲谿水以供日食甚以爲勞自此  
暴水出處常有流泉直注廚內其味甘香冬夏不絕

男化女

後漢書漢建安七年一引作二十年越巂有男子化爲女子周羣曰哀  
帝時亦有此變將有易代之事也至二十年獻帝封山陽公按  
哀帝建平中豫章男子化爲女子嫁人生一子潛潭巴曰賢人  
去位天子獨居則女子化爲丈夫一引潛潭巴云男化女贊人  
去位文化男賤人爲王

赤樓 散花樓

東觀漢記公孫述造十層赤樓春明退朝錄成都有散花樓

井法

蜀王本紀去宣帝地節中始穿鹽井數十所類要云鹽泉有絞  
渙引泉踏溪每一箋用一渙其箋與渙每年十月旦日以新易  
陳郡守作樂臨之井民相慶謂之絞渙節 志林云慶麻皇祐  
以來蜀始開筒井用圓刃鑿如盤大深者數十丈以巨竹去節  
牝牡相銜爲屏以隔橫淡水則鹽泉自上又以竹之差小者出  
入井中爲桶無底而竅其上懸熟皮數寸出入水中氣呼吸而  
啟閉之一筒水可致數斗鹽凡筒井皆用機械利之所在人無  
不知後漢書有水轄此法惟蜀中鐵冶用之大略似鹽井取水  
筒太子賢不識妄意以解非也

郡國利病書射洪士人馬驥譏鹽井圖記云鹽井其來舊矣先世嘗以爲皮袋并圖經三五尺許底有大石則饒課重工力浩巨非一載弗克竣今皆淹没殆盡不可考民循故業以訥課率多重竹井制其施爲次第在井匠董之凡匠民相井地多於兩河夾岸山形險急得沙勢處鳩工立石圈盡去面上浮土不計丈夫以見堅石爲度而鑿大小竅焉大竅大鐵釤主之小竅小鐵釤主之釤一也大釤則有釤賴扁竟七寸有輪鋒利穿鑿興井日北口旁立兩木橫一木於上有小木灑子以火掌繩釤末附於橫木灑子上離井六七步爲一木椿糾火掌蔑而耦春之灑竹運釤自上下相乘矣匠氏掌釤箇坐井口旁周遭圓轉令

其竅圓直初則灌水鑿之及二三丈許泉蒙四出不用灌水無論土石釤觸處俱爲泥水每鑿一二尺匠氏命起釤用箇竹一根約丈餘通節以繩繫其稍箇木爲皮錢掩其底其泥水所在匠氏操繩以縮皮歛水以入浥滿提出泥水漸盡復下釤鑿焉次第疏鑿不計功程力大較至二三十丈許見紅石若口大竅告成矣隨議下竹竹有木竹桿竹二種木竹取堅也刳大二片以麻合其縫以油灰畔其隙桿竹出馬湖山中亦以麻裹之木作末爲大麻頭纍纍節合下盡全竹四瀆淡水障阻不能浸淫乃截去大釤頓用釤稍鑿小竅法如大竅鑿二十丈中見白沙數丈有鹽水數丈名曰腰脈水去鹽水不遠尋鑿之而鹽水淵

涓自見也水有廣水晝夜力汲不竭然味近淡有鹹水晝夜計有數然味亦不齊有一担而煮鹽五六斤者有八九斤至十二三斤者顧遇何如耳厥土既就始樹樓架高可似數樓上爲大甕有轆轤聲制筒索吸水如前吸泥水法而掘局則管於車牀也牀橫木爲柈柈有兩耳作曲池狀左右低昂送施左揖地右伸右揖地左伸循環用力索盡筒出鹽水就灰笆潑水而煎燒有緒矣轉轆轤者蓋三人爲之力厚者則制牛車車狀丈力逸而功倍也此自成井而論耳若掘鑿之際釺偶中折而墜其中者或遭淤泥作阻者其出法亦巧而爲器亦異釺帶火掌箋而墮者以攬釣釣出爲力易易惟釺半墮或止墮釺頭者取之之

法制爲鐵五爪如覆手狀爪背入木數寸以竹三尺許劈碎一尺纏扼爪木令堅繳上一尺亦劈碎則活繫橦子釺不令拘泥倫向中一尺通其節以待橦子釺假道橈代垂爪入井爪定所墮釺頭匠氏從上督率橦子釺由筒中繫木木擊五爪數擊則爪攫爛釺頭著牢不可以游滑自匿雖欲不出不可得矣若被淤泥填溢大小竅猶關格症然甚者製爲捷子以和解其膠密捷子者鐵條之有齒者也未甚製爲漕釺以衝擊其脂欸漕釺者橦子釺之有齒者也支解既折則爲刮筒以取其泥刮筒之制鼻鹽筒殊科不通其節而每節之始鑿爲方口投井口汲泥亦如汲水或蓋水可以疏通翕受泥則踰節不可是匠氏

作法意也嗟呼一井之成其次第節目如此亦云勞矣乃勞歸竈丁利歸商販富竈任逸傭竈任力終歲窮日疲弱若何而征輸又告急矣至有坍場而乾賠國課者有逋負而逃徙流離者是在上之人寬一分則民受一分之賜云

紫極宮道場

太平廣說謝自然住金泉林中七月十五日五更有青衣七人內一人稱中等云食時上真至良久盧使至須臾金母降於庭自然拜禮母曰別汝兩劫矣自然坐初盧使侍立久亦令坐盧云暫詣紫極宮看中元道場逡巡來云此一時全勝以前問其故曰此度不燒乳頭香乳頭香天真惡之唯可燒和香耳

五福樓

國史補南部新書竝云元和初陰陽家言五福太乙在蜀故劉闢造五福樓符載爲文記桉載文有曰天一五福游乎神宮之三年也通首未言及五福太乙星之在蜀新唐書劉闢傳以術家言五福太乙舍於蜀乃造大樓以祈祥

青城山封醮

雲笈七籤中和元年辛丑七月十五日詔內臣元易簡刺史王茲縣令崔正規與朕詣青城山脩醮封爲五嶽丈人希尼真君是時縣界亢旱苗穀將焦封醮之後龍吟于觀側谿中風雨大至枯苗再茂縣境乃豐

捉佛光

孫頤撰幻異志高燕公鎮蜀日大慈寺僧申報堂佛光見燕公判曰付馬步使捉佛光過所司密察之誘其僮子具云僧輩以鏡承隙日中影閃於佛上由此乖露禽而罪之

八子

宋碑類鈔縣州諸邑各有所出謂之八子巴酉紗子魏城扇子羅江犬子神泉榛子彰明附子龍安杏子鹽泉絲子石泉猴子巴酉紗一疋重二兩婦人製爲夏服甚輕妙魏城以一繭造一扇謂之縣扇輕而可愛按宋類苑云慶麻中衛士有震驚宮掖者尋捕殺之時臺臣宋禧上言此蓋平日防閉不周所以致患

聞蜀有羅江狗赤而尾小者其微如神願養此狗於掖庭以警倉卒時謂之宋羅江

蜀典

卷五

三

